



Statsforvaltaren i Vestland
Njøsavegen 2
6863 Leikanger

Referanser:
Dykkar:
Vår: 22/7902 - 23/24851

Saksbehandlar:
Astrid Namtvedt Sylta
astrid.namtvedt.sylta@alver.kommune.no

Dato:
11.04.2023

Vedtak om drifts- og kapitaltilskot 2023 - Leiketun barnehage AS - Klage

Vi viser til brev frå PBL datert 06.03.2023 der dei på vegne der Leiketun barnehage klagar på vedtak om drifts- og kapitaltilskot for 2023. Vedtaket er datert 13.02.2023.

Alver kommune har gått gjennom klagen og opprettheldt vedtak om drifts- og kapitaltilskot 2023 til Leiketun barnehage, datert 13.02.2023. Saka vert oversendt Statsforvaltaren for endeleg handsaming.

Rettsleg grunnlag:

Etter Forskrift om tildeling av tilskudd til private barnehager skal kommunen fatte vedtak om tilskot til private barnehagar:

§ 1. Vedtak om kommunalt tilskudd

Kommunen skal uten ugrunnet opphold fatte vedtak om tilskudd til private barnehager én gang i året, i samsvar med forskriften her. Kommunen skal uten ugrunnet opphold fatte nytt vedtak om tilskudd til private barnehager hvis det følger av lokale retningslinjer eller det foreligger store aktivitetsendringer etter § 12.

Saksopplysning:

PBL, på vegne av Leiketun barnehage, klagar på vedtak om drifts- og kapitaltilskot for 2023. Det vert klaga på kommunen si utmåling av kapitaltilskotet. I klagen vert det vist til at barnehagen har foretatt ei utbygging av to nye avdelingar i 2022, og at barnehagen er lova å få utmålt høgare sats for kapitaltilskot etter godkjenningssåret for den nye delen ut frå kor mange barn som oppheld seg der til dagleg.

I samband med utbygginga vart det i desember 2019 stilt spørsmål til kommunen om korleis kapitaltilskotet ville verte utmålt. Svaret frå kommunen var at kapitaltilskotet ville verte rekna ut forholdsmessig mellom gamal og ny del, slik praksis hadde vore i tidlegare Meland kommune.

Leiketun barnehage fekk vedtak om utmåling av sats for kapitaltilskot, datert 02.11.2022. Vedtaket vart ikkje klaga på. I brev datert 21.12.2022 tok PBL på vegne av Leiketun barnehage igjen opp spørsmålet knytt til utmåling av kapitaltilskot i høve nybygg. Alver kommune gav då svar i tråd med gjeldande praksis og regelverk.

Alver kommune

Postboks 4, 5906 Frekhaug post@alver.kommune.no Kontonummer: 3207 29 30559
Innbyggjarservice: +47 56 37 50 www.alver.kommune.no Organisasjonsnummer: 920 290 922
00

Vurdering:

Kravet til å få høgare kapitaltilskot er at barnehagen er ny, eller har hatt stor auke i godkjent areal og fått auka tal godkjente plassar.

I tolking av regelverk frå Udir 03.12.2020 som handsamar kravet til å få høgare kapitaltilskot, står det blant anna:

«Kravet til å få høyere kapitaltilskudd er enten at barnehagen er «ny» eller at den har hatt en stor økning i godkjent areal. Spørsmålet her er om en barnehage regnes som «ny» dersom barnehagen erstatter et leid bygg med et nybygg. Slik vi forstår bruken av ordet «ny» viser det til barnehagen som sådan. I Kunnskapsdepartementets merknader står det: Med «ny» barnehage menes barnehager som er nyoppførte eller barnehager som starter opp i lokaler der det før var drevet annen virksomhet enn barnehage. Totalrenovering av eksisterende barnehager er ikke «ny» barnehage. Utbygging av opprinnelig barnehagebygg som har ført til at barnehagen har fått flere plasser enn før utbygging, skal få høyere kapitaltilskudd for de nye plassene».

Satsen på kapitaltilskotet har vore knytt til auke i tal barn, og ikkje til utviding av areal. Det er denne praksis Alver kommune legg til grunn i handsaminga av Leiketun barnehage.

Leiketun barnehage har sidan 2004 hatt ei godkjenning på 130 barn over 3 år. Etter utbygginga i 2022 fekk barnehagen ny godkjenning på 130 barn over 3 år. Auke av areal førte ikkje til auke i tal barn, og kapitaltilskotet er med dette grunnlag uforandra.

I e-post datert 04.12.2019 spør barnehagen om dei kan rekna med at søknad til Husbanken om førehandsgodkjenning av lån får positiv påteikning av kommunen, dvs at det er innafor tidlegare godkjenning på 130 store barn. Kommunen har stadfesta dette i e-post datert 21.01.2020. Ein kan ut frå dette leggje til grunn at det har vore ei fells forståing av at godkjenninga, og etter påbygging, gjeld for 130 barn over 3 år.

I klagen vert det vist til tidlegare praksis i Meland kommune som grunnlag for høgare sats. Praksis i tidlegare Meland kommune var tilsvarande dagens praksis at ein barnehage fekk rekna høgare kapitaltilskot dersom dei, etter utbygging, fekk ny godkjenning som viste auke i tal barn. Blåklokka barnehage, som ligg i tidlegare Meland kommune, vart godkjent for 118,5 barn over 3 år i 2008. Etter ei utbygging fekk denne barnehagen i 2013 ny godkjenning for 169 barn over 3 år. Ein auke på 50,5 store barn over 3 år. Blåklokka barnehage fekk kapitaltilskot etter høgare sats for det nye arealet basert på auken i barnetal.

Konklusjon:

Utbygging av Leiketun barnehage har ikkje ført til utviding av tal godkjente barnehageplassar. Barnehagen heldt fram med å vere godkjent for 130 barn over 3 år, og det er såleis korrekt etter regelverket at grunnlaget for kapitaltilskotet ikkje er endra. Kommunen kan ikkje finna at det er gitt bindande lovnad om å handtere utmåling av kapitaltilskot på annan måte enn etter gjeldande praksis.

Det er etter dette ikkje grunnlag for ny fastsetjing og utmåling av kapitaltilskot til barnehagen. Kommunen opprettheldt vedtak om drifts- og kapitaltilskot 2023 til Leiketun barnehage. Saka vert oversendt Statsforvaltaren for endeleg handsaming.

Med helsing
Alver kommune Oppvekst

Kristin Moe
Kommunalsjef

Astrid Namtvedt Sylta
rådgjevar

Dette dokumentet er elektronisk godkjent og har difor ingen signatur.

Vedlegg:

Vedtak om drifts- og kapitaltilskudd 2023 - Leiketun barnehage AS - Klage
Vedtak om drifts- og kapitaltilskot for private barnehagar 2023
Førebels svar på klage
Vedtak om driftstilskuddssats til private barnehager i Alver kommune for 2023
Leiketun barnehage AS - Utmåling av sats for kapitaltilskudd
Leiketun Barnehage
Godkjenning av Blåklokka barnehage AS 2008
Godkjenning Blåklokka barnehage 2013
Godkjenning av Leiketun barnehage(161617)
Godkjenning av Leiketun barnehage etter barnehageloven §14

Kopi til:

Leiketun Barnehage As	Leiketun Barnehage AS Holtermansveg en 2B	5918	Frekhaug
Pbl (private Barnehagers Landsforbund)	Prinsens gate 91	8003	Bodø

Mottakarar:

Statsforvaltaren i Vestland	Njøsavegen 2	6863	Leikanger
-----------------------------	--------------	------	-----------